

四庫全書

集部

欽定四庫全書

集部
御定全唐詩卷二百
七十六至
八十

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣陳墉

膳錄監生臣沈廷棟

欽定四庫全書

御定全唐詩卷二百七十六

盧綸

盧綸字允言河中蒲人大厯初數舉進士不第元載取其文以進補閔鄉尉累遷監察御史輒稱疾去坐與王縉善久不調建中初為昭應令渾瑊鎮河中辟元帥判官累遷檢校戶部郎中貞元中舅韋渠牟表其才驛召之會卒集十卷今編詩五卷

送惟良上人歸江南

一作鄂上人

落日映危檣歸僧向岳陽注瓶寒浪靜讀律夜船香苦

霧沈山影陰霾

一作霞

發海光羣生一何負多

一作臨

病禮

別一作豎王

送韓都護還邊

好勇知名早爭雄上將間戰多春入塞獵慣夜登

一作燒

山陣合龍蛇動軍移草木間今來部曲盡白首過蕭關

送吉中孚校書歸楚州舊山

中孚自仙官入仕

青袍芸閣郎談笑挹侯王舊錄藏雲穴新詩滿帝鄉名

高閒不得到處人爭識誰知冰雪顏已雜風塵色此去

復如何東臯岐路多藉芳一作茅臨紫陌回首憶一作望滄

波年來倦蕭索但說淮南樂並檝湖上一作中遊連檣月

中一作下泊沿溜一作流入閭一作閭一作閭門千燈夜市喧喜逢

鄰舍伴遙語問鄉園下淮風自急樹杪分郊邑送客隨

岸行離人出帆一作船立漁村繞水田澹澹一作浦隔晴煙

欲就林中醉先期石上眠林昏天未曙但向雲邊去暗

入無路山心知有花處登高日轉明下望見春城洞裏
草空長塚邊人自耕寥寥行異境過盡千峰影露色凝
古壇泉聲落寒井仙成不可期多別自堪悲為問桃源
客何人見亂時

一本此篇分作
絕句十一首

送姨弟裴均尉諸暨

此子先君元
相舊判官

相悲得成長同是外家恩舊業廢三畝弱年成

一作一
承

門城開山日早吏散渚禽喧東閣謬容止予心君異言

送鄧州崔長史

出山車騎次諸侯坐領圖書見督郵遠郭桑麻通浙口
滿川風景接襄州高城鳥過方催夜廢壘蟬鳴不待秋
聞說元規偏愛月知君長得伴登樓

送鹽鐵裴判官入蜀

傳詔收方貢登車著賜衣
權商蠻客富稅地芋田肥
雲白風雷歇林清洞穴稀
炎涼君莫問見即在忘歸

送魏廣下第歸揚州

楚鄉雲水內春日衆山開
淮浪參差起江帆次第來
獨

歸初失桂共醉忽停杯漢詔年年有何愁掩上才

送潘述應宏詞下第歸江南

愁與醉相和昏昏竟若何感年懷闕久失意夢鄉多雨裏行青草山前望白波江樓覆棋好誰引仲宣過

送從舅成都縣丞廣歸蜀

褒谷通岷嶺青冥此路深晚程枰瘴熱野飯荔枝陰古郡三刀夜春橋萬里心唯應對楊柳暫醉卓家琴

送宋校書赴宣州幕

南想宣城郡清江野戍閒
艤舫高映浦睥睨曲隨山
名寄圖書內威生將吏間
春行板橋暮應伴庾公還

送李縱別駕加員外郎却赴常州幕

霄漢正聯飛江湖又獨歸
暫歡同賜被不待易朝衣
山雨迎軍晚蘆風候火微
還當宴鈴閣謝守亦光輝

送元贊府重任龍門縣

二職亞陶公歸程與夢同
柳垂平澤雨魚躍大河風
混跡威長在孤清志自雄
應嗤向隅者空寄路塵中

送黎燧尉陽翟

玉貌承嚴訓金聲稱上才
列筵青草偃驟馬綠楊開
潘縣花添發梅家鶴暫來
誰知望恩者空逐路人回

送丹陽趙少府

即給事中
渭親弟

恭聞林下別未至亦霑裳
荻岸雨聲盡江天虹影長
佩韋宗嬾慢偷橘愛芳香
遙想從公後稱榮在上堂

送菊潭王明府

組綬掩衰顏輝光里第間
晚涼

一作
涼宵

經灞水清晝入商

山行境逢花發彈琴見鶴還唯應理農後鄉老賀君閒

送陳明府赴萍縣

素舸載陶公南隨萬里風梅花成雪嶺橘樹當家僮祠
掩荒山下田開野荻中歲終書善績應與古碑同

送申屠正字往湖南迎親兼謁趙和州因呈上

侍郎使君并戲簡前歷陽李明府

曉月朧朧

一作朧

映水關水邊因到歷陽山千艘財

一作物

貨朱橋下一曲問閭青荻間坦腹定逢潘令醉上樓應

伴庾公閒歡餘若問南行計知念天涯負米還

送李尚書郎君昆季侍從歸覲滑州

鳳雛聯翼美王孫綵服戎裝擬塞垣金鼎對筵調野膳
玉鞭齊騎引行軒冰河一曲旌旗滿墨詔千封雨露繁
更說務農將罷戰敢持謌頌慶晨昏

送張調參軍侍從歸覲荆南因寄長林司空十

四曙

得潛字

玉勒侍行檐柳超未有髯守儒輕獵騎

一作騎獵

承誨訪沈

潛雲勢將峰雜江聲與嶼兼還當見王粲應念二毛添
送馬尚書郎君侍從歸覲太原

玉人垂玉鞭百騎帶橐鞬從賞野郵靜獻新秋果鮮塞
屯豐雨雪虜帳失山川遙想稱觴後唯當共被眠

送張成季往江上賦得垂楊

垂楊真可憐地勝覺春偏一穗雨聲裏千條池色前露
繁光的皦日麗影團圓若到隋隄望應逢花滿船

送陝府王司法

東門雪覆塵出送陝城人粉郭朝喧市朱橋夜掩津上
寮應重學小吏已甘貧謝朓曾為掾希君一比鄰

送太常李主簿歸覲省

粲粲美仍都清閒一貴儒定交分玉劒發詠寫冰壺風
景隨台位河山入障一作陣圖上堂多慶樂肯念谷中愚

送從叔程歸西川幕

千山冰雪晴山靜錦花明羣鶴棲蓮府諸戎拜柳營浪
依巴字息風入蜀關清豈念在貧巷竹林鳴鳥聲

送萬巨

把酒留君聽琴難堪歲暮離心霜葉無風自落秋雲不
雨空陰人愁荒村路細馬怯寒溪水深望斷一作盡青山
獨立更知何處相尋

途中遇雨馬上口號留別張劉二端公

陰雷慢轉野雲長駿一作驄馬雙嘶愛雨涼應念龍鍾在

泥滓一作客欲摧肝膽事王章一作君王

送夔州班使君

曉日照樓船三軍拜峽前白雲隨浪散青壁與城連萬

嶺岷峨雪千家橘柚川還知楚一作如赴河內天子許經年

送從舅成都丞廣

一本有南字

歸蜀

一作李端詩

巴字天邊水秦人去是歸棧長山雨響溪亂火田稀俗
富行應樂官雄祿豈微魏舒終有淚還濕甯家衣

無題

第七句缺

恥將名利託交親只向尊前樂此身才大不應成滯客
時危且喜是閒人高歌猶愛思歸引醉語惟誇漉酒巾

豈能偏遣老風塵

題念濟寺

靈空聞偈夜清淨雨裏花枝朝暮開故友

一作里

九泉留

語別逐臣千里寄書來

河口逢江州朱道士因聽琴

廬山道士夜攜琴映月相逢辨語音
引坐霜中彈一弄
滿船商客有歸心

送夏侯校書歸華陰別墅

山前白鶴村竹雪覆柴門候客定為黍務農因燎原乳
冰懸暗井蓮石照晴軒貫酒鄰里睦曝衣一作禾場圃喧
依然望君去余性亦一作何昏

送絳州郭參軍

炎天故絳路千里麥花香薰澤雷聲發一作晚汾橋水氣

涼府趨隨宓賤野宴接王祥送客今何幸經宵醉玉堂
中書舍人李座上送潁陽徐少府

潁陽春色似河陽一望繁花一縣香今日送官一作君君

寂恨可憐才子白鬚長

與從弟瑾同下第後出關言別

同作金門獻賦人
二年悲見故園春
到關不沾新雨露
還家空帶舊風塵

雜花飛盡柳陰陰
官路迢迢綠草深
對酒已成千里客
望山空寄兩鄉心

出關愁暮一沾裳
滿野蓬生古戰場
孤村樹色昏殘雨
遠寺鐘聲帶夕陽

誰憐苦志已三冬却欲躬耕學老農流水白雲尋不盡
期君何處得相逢

赴號州留別故人

世故相逢各未閒百年多在別離間昨夜秋風今夜雨
不知何處入空山

冬夜贈別友人

愁聽千家流水聲相思獨向月中行侵堦暗草秋

一作冬又

作寒霜重遍

一作連

郭寒山夜月明連年客舍唯多病數畝

田園久廢耕更送乘輶歸上國應憐貢禹未成名

送顧秘書獻書後歸岳州

黃葉落不盡蒼苔隨雨生當軒置尊酒送客歸江城竹
裏聞機杼舟中見弟兄岳陽賢太守應為改鄉名

送衛司法河中覲省

即故王吏部
延昌外甥

出身因強學不以外家榮年少無遺事官閒有政聲曉
山臨野渡落日照軍營共賞高堂下連行弟與兄

送從叔牧永州

五侯軒蓋行何疾零陵太守登車日零陵太守泪盈巾
此日長安方欲春虎符龍節照岐路何苦愁為江海人
彼方韶景無時節山水諸花恣開發客投津戍少聞猿
鴈過瀟湘更逢雪郡齋無事好閒眠秔稻油油綠滿川
浪裏爭迎三蜀貨月中喧泊九江船今朝小阮同夷老
欲問明年一作君借幾年

送趙真長歸夏縣舊山依陽徵君讀書

臨杯忽泣然非是惡離弦塵陌望松雪我哀君少年幽

一作
僧曝山果寒鹿守冰泉感物如有待况依回也賢

留別耿湊侯釗馮著

相識少相知與君俱已衰
笙鏞新宅第岐路古山陂
學道功難就為儒事本遲
惟當與漁者終老遂其私

送渾鏐歸覲却赴闕庭

露幕擁簪裾台庭餞伯魚
綵衣人競看銀詔帝親書
知子當元老為臣餞二疎
執珪期已迫捧膳步寧徐
而我誠愚者夫君豈病諸
探題多決勝饌玉每分餘
榮比成

功後恩同造化初
甌塵方欲合
寵駟或將舒
榆莢錢難
比楊花
雪不如
明朝古隄路
心斷玉人車

送崔邠拾遺

皎潔無瑕清玉壺

一作晚

垂華幟向天衢
石建每聞宗

謹孝劉歆不敢街
師儒諫修郊廟
開宸慮議按休徵
淺瑞圖今日攀車
復何者
轅門垂白一愚夫

送渾別駕赴舒州

江平蘆荻齊
五兩貼檣低
遶郭覆晴雪
滿船

一作聞曙

雞鱠魴宜入貢橘柚亦成蹊還似海沂日風清無鼓鼙

送從叔士準赴任潤州司士

雲起山城暮沈沈江上天風吹建業雨浪入廣陵船久
是吳門客嘗聞謝守賢終悲去國遠淚盡竹林前

送尹樞令狐楚及第後歸覲

佳人比香草君子即芳蘭寶器金罍重清音玉珮寒貢

文齊受寵獻禮

一作醴

兩承歡鞍馬并汾地爭迎陸與潘

東潭宴餞河南趙少府

十載奉戎軒日聞君子言方將賀榮爵遽乃愴離尊
轉臺閣麗潭清弦管繁松篁難晦節雨露不私恩坐使
吏相勉居為儒所尊可憐桃李樹先發信陵門

賦得館娃宮送王山人游江東

蒼蒼楓樹林草合廢宮深越水風浪起吳王歌管沈
燕歸巢已盡鶴語塚難尋旅泊彼何夜希君抽玉琴

送暢當還舊山

常逢明月馬塵間是夜照君歸處山山中松桂花盡發

頭白屬君如等閒

數顏魯公送挺賚歸翠微寺

挺賚惠學該儒釋袖有顏徐真草跡一齋三請紀行詩
謂我垂鞭弄鳴鐺寺懸金榜半山隅石路荒涼松樹枯
虎跡印雪大如斗閨月暮天過得無

送契玄法師赴內道場

昏昏醉老夫灌頂遇醍醐嬪御呈心鏡君王賜髻珠降
魔須戰否問疾敢行無深契何相秘儒宗本不殊

送暢當赴山南幕

含情脫佩刀持以佐賢豪是月霜霰下伊人行役勞事
將名共易文與行空高去矣奉戎律悲君為我曹

顏侍御廳叢篁詠送薛存誠

玉幹百餘莖生君此堂側拂簾寒雨響擁砌深溪色何
事鳳凰雛茲焉理歸翼

秋晚河西縣樓送渾中允赴朝闕

高樓吹玉簫車馬上河橋岐路自奔臨壺觴終寐寒芳

蘭生賈里片玉立清朝今日台庭望心遙一作遙

路

達奚中丞東齋壁畫山水各賦一物得樹杪懸

泉送長安趙元陽少府

素壁畫飛泉從雲落樹顛練垂疑葉響雲升覺枝

一作松

偏利物得雙劍為儒當一賢應思灑塵陌調饌亦芳鮮

送信州姚使君

朱幡

一作幡

徐轉候

一作擁

羣官援鳥無聲郡宇寬楚國上

腴收賦重漢家良牧得人難銅鉛滿穴山能富鴻鴈連

羣

一作洲

地亦寒幾日政聲聞

一作闕一作開

戶外九江行旅得

相歡

送暢當

四望無極路千里流大河秋風滿離袂唯老事唯多

送史兵曹判官赴樓煩

渥洼龍種散雲時千里繁花乍別

一作合

離中有重臣承

霈澤外無輕虜犯旌旗山川自與郊垌合帳幕時因水草移敢謝親賢得瓊玉仲宣能賦亦能詩

送曇延法師講罷赴上都

金縷袈裟國大師能銷壞宅火燒時復來擁膝說無住
知向人天何處期

送道士郗曇素歸內道場

病老正相仍忽逢張道陵羽衣風淅淅仙貌玉稜稜
我問中壽教人祈上昇樓居五雲裏幾與武皇登

賦得彭祖樓送楊德宗歸徐州幕

四戶八牕明玲瓏逼上清外欄黃鵠下中柱紫芝生每

帶雲霞色時聞簫管聲望君兼有月幢蓋儼層城

送錢從叔辭豐州幕歸嵩陽舊居

白鬚宗孫侍坐時願持壽酒前致詞鄙詞何所擬請自
邊城始邊城貴者李將軍戰鼓遙疑天上聞屯田布錦
周千里牧馬攢花湓萬羣白雲本是喬松伴來遶青營
復飛散三聲畫角咽不通萬里蓬根一時斷豐州聞說
似涼州沙塞清明部落稠行客已去依獨戍主人猶自
在高樓夢親旌旆何由見每阻一作值清風一回面洞裏

先生那怪遲人天無路自無期砂泉丹井非同味桂樹
榆林不並枝吾翁致身殊得計地仙亦是三千歲莫著
戎衣期上清東方曼倩逢人輕

送靜居法師

五色香幢重復重寶輿升座發神鐘薝蔔名花飄不斷
醍醐法味灑何濃九天論道當宸眷七祖傳心合聖蹤
願比靈山前世別多生還得此相逢

送劉判官赴豐州

一作赴
天德軍

銜杯吹急管滿眼起風砂大漠山沈雪長城草發花策
行須恥戰虜在莫言家余亦祈勲者如何別左車

將赴京留獻令公

沙鷗驚鳴野雨收大河風物颯然秋力微恩重諒難報
不是行人不解愁

落第後歸山下舊居留別劉起居昆季

寂寞過朝昏沈憂豈易論有時空卜命無事可酬恩寄
食依鄰里成家望子孫風塵知世路衰賤到君門醉裏

因多感愁中欲強言花林逢廢井戰地識荒園悵別臨
晴野悲春上古原鳥歸山外樹人過水邊村潘岳方稱
老嵇康本厭喧誰堪將落羽迴首仰飛翻

將赴閩鄉灞上留別錢起員外

暖景登橋望分明春色來離心自惆悵車馬亦裴回遠
雪和霜積高花占日開從官竟何事憂患已相催

虢州逢侯釗同尋南觀因贈別

時居
停務

相見翻惆悵應憐責廢官過深慙祿在識淺賴刑寬獨

失耕農業同思弟姪歡衰貧羞客過卑末會君難放鶴
登雲壁澆花遠石壇興還江海上跡在是非端林密風
聲細一作結山高雨色一作氣寒悠然此中別賓僕亦闌干

一作冊

赴池州拜覲舅氏留上考功郎中舅

時舅氏初貶官池州

孤賤易蹉跎其如酷似何衰榮同族少生長外家多別
業桑榆在沾衣血淚和應憐失行鴈霜霰寄煙波

送從姪滁州覲省

愛爾似龍媒翩翩千里迴書從外氏學竹自晉時栽擁
棹逢鷗舞憑闌見雨來上堂多慶樂不醉莫停杯

奉和聖製麟德殿宴百寮

雲闌

一作闌

御筵張山呼聖壽長玉欄豐瑞草金陛立神

羊台鼎資庖膳天星奉酒漿蠻夷陪作位犀象舞成行
網已祛三面歌因守四方千秋不可極花發滿宮香

和考功王員外杪秋憶終南舊居

一作和大理裴卿杪秋憶

山下舊居一作岑參詩一作常衮詩

靜憶溪邊宅知君許謝公曉霜凝未耜初日照梧桐澗
鼠喧藤蔓山禽竄石藁白雲當嶺雨黃葉遶塔風野果
垂橋上高泉落水中懽榮來自間羸賤賞一作曾一作難
同月滿珠藏海天晴鶴在籠餘陰如可寄願得隱墻東

訓暢當尋嵩岳麻道士見寄

聞逐樵夫閒看棋忽逢人世是秦時開雲種玉嬾山淺
渡海傳書怪鶴遲陰洞石牀一作幢微有字古壇松樹半
無枝煩君遠示青囊錄願得相從一問師

訓李端長安寓居偶詠見寄

一本作酬暢當尋
嵩山麻道士見寄

第二首

自別前峰隱同為外累侵幾年親酒會此日有僧尋學稼功還棄論邊事亦沈衆歡徒滿目專愛久離心覽鬢

絲垂鏡彈琴

一作
泣

泪灑襟

一作
琴

訪田悲洛下寄宅憶山

陰薄溜漫青石橫雲架碧林壞簷藤障密衰菜

一作
棘

籬深流散俱多故憂傷併在今唯當俟高躅歸止共抽

簪

和常舍人晚秋集賢院即事十二韻寄贈江南

徐薛二侍郎

綸閣九華前森沈綵

一作綺

仗連洞門開旭日清禁肅秋

天霜滿朝容備鐘餘漏

一作曉

唱傳搖璫陪羽扇端弁入

爐煙麟筆刪金篆龍綃薦玉編汲書荀勗定漢史蔡邕

專御竹潛通筍宮池暗瀉泉亂藂繁弱蕙墜葉灑枯蓮

列署齊游日重江並謫年登封思議草侍講憶同筵滄

海風濤廣黝山瘴雨偏唯應緘上寶贈遠一呈妍

訓苗員外仲夏歸郊居遇雨見寄

雷響風仍急人歸鳥亦還
亂雲方至水驟雨已喧
山田鼠依林上池魚戲草間
因茲屏一作高比埃霧一詠一開顏

和太常王卿立秋日即事

嵩一作山高雲日明
潘岳賦初成
籬槿花無色
堦桐葉有

聲
絳紗垂簾淨
白羽拂衣輕
鴻鴈悲天遠
龜魚覺水清

別弦添楚思
牧馬動邊情
田雨農官問
林風苑吏驚
松

篁終茂盛

一作盛茂

蓬艾自衰榮
遙仰憑軒夕
惟應喜

一作善一

作宋生
苦

御定全唐詩卷二百七十六

欽定四庫全書

御定全唐詩卷二百七十七

盧綸

和李使君三郎早秋城北亭樓宴崔司士因寄

關中弟張評事時遇

黃花古城路上盡見青山桑柘晴川口牛羊落照間野

情隨卷幔軍士

一作事

隔重關道合偏多賞官微獨不閒

鶴分琴久罷書到鴈應還為謝登龍客瓊枝寄一攀

和趙端公九日登石亭上和州家兄

洛浦想江津悲懼共此辰採花湖岸菊望國舊樓人鴈
別聲偏苦松寒色轉新傳書問漁叟借冠爾何因

酬趙少尹戲示諸姪元陽等因以見贈

八龍三虎儼成行瓊樹花開鶴翼張且請同觀舞鸛鵲
何須竟哂食檳榔歸時每愛懷朱橘戲處常聞佩紫囊
謬入阮家逢慶樂竹林因得奉壺觴

奉和戶曹牀夏夜寓直寄呈同曹諸公并見示

斂板捧清詞恭聞侍直時暮塵歸衆騎遂宇捨諸司華
月先燈至清風與簟隨亂螢光熠熠行樹影離離龍卧
人寧識鵬搏鷃豈知便因當五夜敢望竹林期

和金吾裴將軍使往河北宣慰因訪張氏昆季
舊居兼寄趙侍郎趙卿拜陵未迴

飛軒不駐輪感激漢儒臣氣懾千夫勇恩傳萬里春古
原收野燎寒笛怨空鄰書此達良友五一作杜陵風雨頻

和太常李主簿秋中山下別墅即事

清秋來幾時宋玉已先知曠朗霞映竹澄明山滿池草
橋雙鶴赴一作起收果衆猿隨韶樂方今奏雲林徒蔽虧

訓韋渚秋夜有懷見寄

蕭條良夜永秋草對衰顏露下烏初定月明人自閒獨
悲無舊業共喜出時艱為問功成後同游何處山

同吉中孚夢桃源

春雨夜不散夢中山亦陰雲中碧潭水路暗紅花林花
水自深淺無人知古今

夜靜春夢長夢逐仙山客園林滿芝朮雞犬傍籬柵幾
處花下人看予笑頭白

同柳侍郎題侯釗侍郎新昌里

一作訓侯釗侍郎春日見寄

清源君子居左右盡

一作滿

圖書三運春自足一瓢歡有

餘庭莎成野席闌藥是家蔬幽顯豈殊迹昔賢徒病諸
訓孫侍御春日見寄

經過里巷春同是謝家鄰顧我覺衰早荷君留醉頻松
高猶覆草鶴起暫縈塵始悟達人志患名非患貧

和王員外冬夜寓直

高步長裾錦帳郎居然自是漢賢良
潘岳叙年因鬢髮揚雄託諫在文章
九天韶樂飄寒月萬戶香塵裛曉一作
夜霜坐見重門儼朝騎可憐雲路獨翱翔

訓金部王郎中省中春日見寄

南宮樹色曉森森雖有春光未有陰
鶴侶正疑芳景引玉人那為簿書沈
山含瑞氣偏當日鶯逐輕風不在林
更有阮郎迷路處萬株紅樹一溪深

奉和陝州十四翁中丞寄雷州二十翁司戶

聯飛獨不前迴落海南天賈傳竟行矣邵公唯泣然瘴
開山更遠路極水無邊沈芳本多感况聞原上篇

和李中丞訓萬年房署少府過汾州景雲觀因
以寄上房與李早年同居此觀

顯晦澹無迹賢哉常晏如如何警孤鶴忽乃傳雙魚叙
以泉石舊悵然風景餘低回青油幕夢寐白雲居玉洞
桂香滿雪壇松影疎沈思矚仙侶紆組正軍書積學早

成道感恩難遂初梅生諒多感歸止豈吾一作廬

無

訓陳翊郎中冬至攜柳郎賓郎歸河中舊居見

寄

三旬一休沐清景滿林廬南郭羣儒從東牀兩客居燒

一作晨

煙浮雪野麥隴潤冰渠班白皆持酒蓬茅盡有書

終期買寒渚同此利蒲魚

訓李益端公夜宴見贈

戚戚一西東十年今始同可憐歌酒夜相對兩衰翁

和陳翊郎中拜本府少尹兼侍御史獻上侍中
因呈同院諸公

金印垂鞍白馬肥不同疏廣老方歸三千士裏文章伯
四十年来錦繡衣節比青松當澗直心隨黃雀繞簷飛
鄉中賀者唯爭路不識傳呼獬豸威

和王倉少尹暇日言懷

清秋多暇日況乃是夫君習靜通仙事書空閱篆

一作錄

文劒飛終上漢鶴夢不離雲無限煙霄路何嗟迹未分

和崔侍郎游萬固

一作寺回

聞說中方高樹林，曙華先照轉春禽。
風雲才子治游思，蒲柳老人惆悵心。
石路青苔花漫漫，雪簷垂溜玉森森。
賀君此去君方至，河水東流西日沈。

和裴延齡尚書寄題果州謝舍人仙居

飄然去謁八仙翁，自地從天香滿空。
紫蓋迴標雙鶴上，

語音猶

一作遙

在五雲中。青溪不接漁樵路，丹井唯傳草

木風歌。此因思捧金液，露盤長慶漢皇宮。

訓崔侍御早秋卧病書情見寄時君亦抱疾在
假中

擲地金聲信有之
瑩然冰玉見清詞
元凱癖成官始貴
相如渴甚貌逾衰
荒園每覺蟲鳴早
華館常聞客散遲
寂寞罷琴風滿樹
幾多黃葉落蛛絲

訓靈澈上人

一作口號戲贈靈澈上人時奉事入城

軍人奉役本無期
落葉一作葉落花開總不知
走馬城中頭

雪白若為將面見湯師

敬訓大府二十四舅覽詩卷因以見示

却公憐憫亦憐愚
忽賜金盤徑寸珠
徹底碧潭滋涸溜
擊枝紅豔照枯株
九門洞啓延高論
百辟聯行挹大儒
顧已文章非酷似
敢將幽劣俟洪爐

雨中酬友人

看山獨行歸竹院
水遠前階草生遍
空林細雨暗一作明暗
寂無聲唯有愁心兩相見

訓人失題

孤鸞將鶴羣晴日麗

一作
晚

春雲何幸晚飛者清音長此

聞

哭司農苗主簿

原頭殯御遠新塋原下

一作
上

行人望哭聲更想秋山連

古木唯應石上見君名

得耿津司法書因叙長安故友零落兵部苗員

外發秘書省李校書端相次傾逝潞府崔功曹峒

長林司空丞曙俱謫遠方余以搖落之時對書

增歎因呈河中鄭倉曹暢叅軍昆季

鬢似衰蓬心似灰驚悲相集老相催故友九泉留語別
逐臣千里寄書來塵容帶病何堪問淚眼逢秋不喜開

幸接野居宜屣

一作縱

步冀君清夜

一作論一作夢

一申哀

同兵部李紆侍郎刑部包佶侍郎哭皇甫侍御

曾

攀龍與泣麟哀樂不同塵九陌霄漢侶一燈冥漠人舟
沈驚海闊蘭折怨霜頻已矣復何見故山應更春

綸與吉侍郎中孚司空郎中曙苗員外發崔補
闕峒耿拾遺漳李校書端風塵追游向三十載
數公皆負當時盛稱榮耀未幾俱沈下泉暢博
士當感懷前蹤有五十韻見寄輒有所訓以申
悲舊兼寄夏侯侍御一作郎審侯倉曹釗

稟命孤且賤少為病所嬰八歲始讀書四方遂有兵童
心幸不羈此去負平生是月胡入洛明年天隕星夜行
登灞陵愴怳靡所征雲海一翻蕩魚龍俱不寧因浮襄

江流遠寄鄱陽城鄱陽富學徒誚我慙無營論以詩禮
義勗隨賓薦名舟車更滯留水陸互陰晴曉望怯雲陣
夜愁驚鶴聲淒淒指宋郊浩浩入秦京沴氣既風散皇
威如日明方逢粟比金未識公與卿十上不可待三年
竟無成偶為達者知揚我于王廷素志且不立青袍徒
見縈昏孱夙自保靜躁本殊形始趨甘棠陰旋遇密人
迎考實績無取責能才固輕新豐古離宮宮樹鎖雲局
中復蒞茲邑往惟曾所經繚垣何逶迤水殿亦崢嶸夜

雨滴金砌陰風吹玉楹官曹雖檢率國步日夷平命蹇
固安分禍來非有萌因逢駭浪飄幾落無辜刑巍巍登
壇臣獨正天柱傾悄悄失途子分將秋草并百年甘守
素一顧乃拾青相逢十月交衆卉飄已零感舊諒戚戚
問孤懸熒熒侍郎文章宗傑出淮楚靈掌賦若吹籟司
言如建瓴郎中善餘慶雅韻與琴清鬱鬱松帶雪蕭蕭
鴻入冥員外真貴懦弱冠被華纓月香飄桂實乳溜滴
瓊英補闕思冲融巾拂藝亦精

一作六藝
亦精明

綵蝶戲芳圃

瑞雲凝

一作滋

翠屏拾遺興難侔逸調曠無程九醞貯彌

潔五花寒轉馨校書才智雄舉世一娉婷賭墅鬼神變

屬詞鸞鳳驚差肩曳長裾總轡奉和鈴共賦瑤臺雪同

觀金谷第

一作笙

倚天方比劒沈井

一作水

忽如瓶神昧不

可問天高莫爾聽君持玉盤珠瀉我懷袖盈讀罷涕交

頤願言躋百齡

訓李封度秋夜喜相遇因傷關東寮友喪逝見

贈

寒月照秋城，秋風泉澗鳴。
過時見蘭蕙，獨夜感蓂莢。
酒散同移疾，一作病心悲似遠行。
以愚求作友，何德敢稱兄。
谷變波長急，松枯藥未成。
恐看新鬢色，怯問故人名。
野澤雲陰散，荒原日氣生。
羈飛本難定，非是惡弦驚。

同李益傷秋

歲去人頭白，秋來樹葉黃。
搔頭向黃葉，與爾共悲傷。

白髮嘆

髮白曉梳頭，女驚妻淚流。
不知絲色後，堪得幾回秋。

逢病軍人

行多有病

一作無力

住無糧萬里還鄉未到鄉蓬鬢哀吟古

城下不堪秋氣入金瘡

村南逢病叟

雙膝過頤頂在肩四鄰知姓不知年卧驅鳥雀惜禾黍
猶恐諸孫無社錢

七夕詩

同用秋字一作他鄉七夕

祥光若可求閨女夜登樓月露浩方下河雲凝不流鉛

華潛警曙機杼暗傳秋迴想斂餘睠人天俱是愁

七夕詩

同用
期字

涼風吹玉露河漢有幽期星彩光仍隱雲容掩復離良
宵驚曙早閨歲怨秋遲何事金閨子空傳得網絲

長門怨

空空一作宮古廊殿寒月落斜暉臥聽未央曲滿箱歌舞

衣

妾薄命

妾年初二八兩度嫁狂夫薄命今猶在堅貞掃地無

倫開府席上賦得詠美人名解愁

不敢苦相留明知不自由
顰眉乍欲語斂笑又低頭舞

態兼些

一作微兼

醉歌聲似帶羞今朝總見也只不

一作要解

人愁

王評事駙馬花燭詩

萬條銀燭引天人十月長安半夜春
步障三千臨將

一作

無斷幾多珠翠落香塵

一人女婿萬人憐一夜調

一作稠

疎抵百年為報司徒好

將息明珠解轉又能圓

人主人臣是親家千秋萬歲保榮華幾時曾向高天上
得見今宵月裏花

比翼和鳴雙鳳皇欲棲

一作玉梅

金帳滿城香平明却入天

泉裏日氣瞳矐五色光

和趙給事白蠅拂歌

華堂多衆珍白拂稱殊異柄裁沈節香襲人上結為文

下垂穗霜縷霏微瑩且柔虎鬚乍細龍髯稠皎然素色
不因染淅爾涼風非為秋羣蠅青蒼恣游息廣庖萬品
無顏色金屏成點玉成瑕晝眠宛轉空咨嗟此時滿筵
看一舉荻花忽旋楊花舞若如寒隼驚暮禽颯若繁埃
得輕雨主人說是故人留每誠如新比白頭若將揮玩
閒臨水願接波中一白鷗

蕭常侍癭柏亭歌

柏之異者山中靈何人斷絕為君亭雲翻浪捲不可識

鳥獸成形花倒植莓苔舊點色尚青霹靂殘痕節猶黑
金貂主人漢三老構此窮年下朝早心規目製不暫疲
匠者受之無一詞清晨拂匣菱生鏡落日憑闌星滿池
攢甍闢拱無斤跡根癭聯懸同素壁數層亂寫雲裏峯
萬片爭呈雪中石重簾不動自飄香似到瀛洲白玉一作
雪堂水精如意刀金一作方同色雲母屏風透一作掩
光四堦綿綿被纖草草上依微衆山道松間汲井煙翠
寒洞裏圍碁天景好愚儒敢欲賀成功鸞鳳棲翔固不

同應念廢材今接地一枝思寄戶庭中

慈恩寺石磬歌

靈山石磬生海西海

一作波

濤平處與山齊長眉老僧同

佛力呪使鮫人往求得珠穴沈成綠浪痕天衣拂盡蒼

苔色星漢徘徊山有風禪翁靜扣月明中羣仙下雲龍

出水鸞鶴交飛半空裏山

一作城

精木魅不可聽落葉秋

砧一時起花宮杳杳

一作梵宮杳杳

響泠泠無數沙門昏夢醒

古廊燈下見行道疎林

一作柳

池邊聞誦經徒壯

一作使

洪

鐘祕高閣萬金費盡工雕鑿豈如金質挂青松數葉殘
雲一片峯吾師寶之壽中國願同劫石無終極

送張郎中還蜀歌

秦家御史漢家郎親專兩印征殊方功成走馬朝天子
伏檻論一作談邊若流水曉離僊署趨紫微夜接高儒讀

青史瀘南五將望君還願以天書示百蠻曲棧重江初
過雨前旌後騎不同山迎車拜舞多耆老舊卒新營遍
青草塞口雲生火候遲煙中鶴唳軍行早黃花川下水

交橫遠映

一作雁

孤霞蜀國晴
叩竹筍長
柵瘴起
荔枝花

發杜鵑鳴
回首岷峨
半天黑
傳觴接膝
何由得
空令豪

士仰威名
無復貧交
恃顏色
垂楊不動
雨紛紛
錦帳胡

瓶爭送君
須臾醉起
簫船發
空見紅

一作雙

旌入白

一作塞

雲

宴席賦得姚美人拍箏歌

美人曾在禁中

出簾仍有鈿箏隨
見罷翻令恨識遲
微收皓腕纏紅袖

深遏朱弦低翠眉
忽然高張應繁

一作踈

節玉指迴旋若

飛雪鳳簫韶

一作龍

管窠不喧繡幕紗窗儼秋月有時輕

弄和郎歌慢處聲遲情更多已愁紅臉能佯醉又恐朱

門難再過昭陽伴

一作宮

裏最聰明出到人間纔長成遙

知禁曲難翻處猶是君王說小名

陳翊郎中北亭送侯釗侍御

一作送劉侍御

賦得帶水

流歌

溪中鳥鳴春景旦一派寒冰忽開散壁方鏡員流不斷
白雲鱗鱗滿河漢疊處淺旋處深撇捩寒魚上復沈羣

我爲鼓舞揚清音主人有客簪白筆玉壺貯水光如一持
此贈君君飲之聖君識君冰玉姿

棲巖寺隋文帝馬腦盞歌

天宮寶器隋朝物鐫在金函比金骨開函捧之光乃發
阿脩羅王掌中月五雲如拳輕復濃昔曾喫酒今藏龍
規形環影相透徹亂雪繁花千萬重可憐貞質無今古
可嘆隋陵一抔土宮中豔女滿宮春得親此寶能幾人
一留寒殿殿將壞唯有幽光通隙塵山中老僧眉似雪

忍死相傳保扁鵲

難綰刀子歌

黃金鞘裏青蘆葉，麗若翦成鉤。且一作捷輕冰薄玉狀，

不分一尺寒光堪決雲。吹毛可試不可觸，似有蟲搜闕

裂文淬之幾墮前池水。烏知不是蛟龍子，割雞刺虎皆

若空願。應君心逐君指并州難綰，竟何人每成此物如

有神

臘日一作月觀咸寧王部曲娑勒擒豹歌

山頭曈曈日將出山下獵圍照初日前林有獸未識名

將軍促騎無人聲潛形踈

一作蛇

伏草不

一作未

動雙鵬旋

轉羣鴉鳴陰方質子才三十譯語受詞蕃語揖捨鞍解

甲疾如風人忽虎蹲獸人立欵然扼頰批其頤爪牙委

地涎淋漓既蘇復吼扣仍怒果叶英謀生致之拖自深

業目如雷萬夫失容千馬戰傳呼賀拜聲相連殺氣騰

凌陰滿川始知縛虎如縛鼠敗虜降羌生

一作在

眼前

皆目觀

祝爾嘉詞爾

一作身

無苦獻爾

一作看

將隨犀象舞苑

中流水禁中山期爾攫搏開天顏非熊之兆慶無極願
紀雄名傳百蠻

賦得白鷗歌送李伯康歸使

積水深源

一作沈

白鷗翻

一作飛

翻倒影光素于潭之間銜

魚魚落

一作銜魚落

亂驚鳴爭撲蓮葉蓮葉

一作華

傾一作撲蓮葉

葉爾不見波中鷗鳥閒無營何必汲汲勞其生柳花冥

濛大堤口悠揚相和乍無有輕隨去浪杳不分細舞清

春

一作風亦

一作久

何有一作

似君換得白鷺時

獨凭闌干

雪滿池今日還同看鷗鳥如何羽翮復參差復參差海
濤瀾漫何由期

皇帝

一本有聖字

感詞

提劍風雷

一作雲

動垂衣日月明禁花呈瑞色國老見星

精發棹魚先躍窺巢鳥不驚山呼一萬歲直入九重城

天香

一作衣

五鳳彩御馬六龍文雨露清馳道風雷

一作雲

翊上軍高旂

一作樓

花外轉行漏樂

一作嶽

前聞時見金鞭

舉空巾指瑞雲

妙算干戈止神謀宇宙清兩堦文物盛七德武功成校
獵長楊苑屯軍細柳營歸來獻明主歌舞溢

一作滿
一作隘春

城

天樂下天中雲輶儼在空鉛黃豔河漢笑語合笙鏞已

見長

一作今

隨鳳仍聞不避

一作射

熊一作
驄

君王親試舞一作

問閭闔靜無風

御定全唐詩卷二百七十七

欽定四庫全書

御定全唐詩卷二百七十八

盧綸

天長久詞

三首附宮中樂二首一作
天長詞一作天長地久詞

玉砌紅花樹香風不敢吹春光解天意偏發殿南枝

天長

久萬
年昌

虹橋千步廊半在水中央天子方清一作消暑宮娃起夜

一作人
重暮妝天長久
萬年昌

辭輦復當熊傾心奉六

一作上

宮君王若看貌

一作見

甘在

衆妃中

天長久萬年昌

雲日呈祥禮物殊彤庭生獻五單于塞垣

一作天

萬里無

飛鳥可是

一作在

邊城用郅都

臺殿雲深

一作涼

秋色

一作風日

微君王初賜六宮衣樓船泛

罷

一作罷泛

歸猶早行遣

一作道

才人鬪射飛

和張僕射塞下曲

鷺翎金僕姑燕尾繡螭弧獨立揚新令千營共一呼

林暗草驚風將軍夜引弓平明尋白羽沒在石稜中

月黑鴈飛高單于夜遁逃欲將輕騎逐大雪滿弓刀

野幕敞瓊筵羌戎賀勞旋醉和金甲舞雷鼓動山川

調箭又呼鷹俱聞出世

一作能奔狐

一作將

逆雉掃盡

古丘陵

亭亭七葉貴蕩蕩一隅清他日題麟閣唯應獨不名

一作

誰知獨有名

古豔詩

殘妝色淺髻鬟開笑映朱簾
覩客來推醉唯知弄花鈿
潘郎不敢使人催

自拈裙帶結同心暖處偏知
一作多香氣深愛捉狂夫問
閒事不知歌舞用黃金

孤松吟訓渾贊善

深山荒松枝雪壑半離披
朱門青松樹萬葉承

一作清

露露重色逾鮮吟風似遠泉
天寒香自發日麗影常圓
陰郊一夜雪榆柳皆枯折
迴首望君家翠蓋滿瓊花捧

君青松曲自顧同衰木曲罷不相親深山頭白人

從軍行

一作李端詩
題云塞上

二十在邊城軍中得勇名卷旗收

一作敗馬占斷一作磧

擁一作護

殘兵覆陣烏鳶起燒山草木明

一作鳴

塞間思遠

獵師老厭分營雪嶺無人跡冰河足鴈聲李陵甘此沒

惆悵漢公卿

和馬郎中畫鶴贊

高高華亭有鶴在屏削玉點漆乘軒姓丁暮雲冥冥雙

垂雪翎晨光炯炯一直朱頂含音儼容絕粒遺影君以
為真相期縵嶺

送朝長史赴荆南舊幕

末二句缺

元瑜思舊幕幾夜夢旌旆暑退薰葭雨秋生鼓角天月
明三峽路浪裏九江船

送渭南崔少府歸徐郎中幕

第七句缺

葉下山邊路行人見自悲夜寒逢雪處日暖到村時語

少心長苦愁深醉

一作意

自遲

羨有幕中期

寄鄭七綱

小來落托復迍邐一辱君知二十年捨去形骸容傲慢
引隨兄弟共團圓羈游不定同雲聚薄宦相縈若網牽
他日吳公如記問願將黃綬比青氈

逢南中使因寄嶺外故人

見說南來處蒼梧接桂林過秋天更暖邊一作近海日長

陰巴路緣雲出蠻鄉入洞深信迴人自老夢到月應沈
碧水通春色青山寄遠心炎方難久客為爾一沾襟一作

莫使鬢

毛侵

代員將軍罷戰後歸舊里贈朔北一作地故人一作

常袞
詩

結髮事壇場全生俱到一作到海鄉連雲防鐵嶺同日破漁

陽牧馬胡天晚一作曉移軍磧路長枕戈眠古戍吹角立

繁霜歸老勲仍在酬恩虜一作慮未亡一作忘獨行一作愁過

邑里多病對農桑雄劒依塵索一作席陰一作兵符寄藥囊

空餘麾下將一作士猶逐羽林郎

江北憶崔汶

夜間江西客還知在楚鄉
全身出部伍盡室逐漁商
晴日游瓜步新年對漢陽
月昏驚浪白瘴起覺雲黃
望嶺家何處登山泪幾行
閩中傳有雪應且住南康

早春歸蓋屋舊居

一作別業

却寄耿拾遺漳李校書

端

野日初晴麥隴分竹園相接

一作村巷

鹿成羣幾

一作萬

家廢

井生青

一作秋一作新

草一樹繁花傍

一作對

古墳引水忽驚米

滿澗向田空見石和雲可憐荒

一作芳

歲青山下

一作裏

惟

有松枝好寄

一作寄與君

春日山中憶崔峒吉中孚

一作寄李舍人

延步愛清晨空山日照春窰房那有主石室自無鄰
泉急魚依藻花繁鳥近人誰言失徒侶唯與老相親

客舍喜崔補闕司空拾遺訪宿

步月訪諸鄰蓬居宿近臣烏

一作弊

裴先醉客清鏡早朝

人壞壁煙垂網香街火照塵悲榮俱是分吾亦樂吾貧

苦雨聞包諫議欲見訪戲贈

草氣厨煙咽不開
繞牀連壁盡生苔
常時多病因多雨
那敢煩君車馬來

客舍苦雨即事寄錢起郎士元二員外

積雨暮淒淒
羈人狀鳥

一作
獨自

棲響空宮樹
接覆水野雲

低穴蟻多隨草巢
蜂半墜泥遠池
塘蘚合擁溜瓦松齊

舊圃平如海
新溝曲似溪
壞闌留衆蝶
歌棟止

一作
羣

鷄芳盛終無實
槎枯返

一作
遂

有萋綠萍藏廢井
黃葉隱

危提間里歡將絕朝昏望亦迷不知霄漢侶何路可相

攜

一作事
攀躋

郊居對雨寄趙涓給事包佶郎中

暑雨青山裏隨風到野居亂漚浮曲砌懸溜響

一作滴

前

除塵鏡愁多掩蓬頭嬾更梳夜牕淒枕席陰壁潤圖書

蕭颯宜

一作移

新竹龍鍾拾野蔬石泉空自咽藥圃不堪

鋤蜀水淙深轍荒蘭擁敗渠繁枝留宿鳥碎浪出寒

一作

隱游一作隱行

魚桑屐

一作履

時登望荷衣自卷舒應憐在泥滓

無路託高車

藍溪期蕭道士採藥不至

春風生百藥

一作草

幾處木苗香人遠花空落溪深日復

長病多知藥性老近憶仙方清

一作青

節何由見三山桂

自芳

雪謗後書事上皇甫大夫

盛德總羣英高標仰國楨獨安巡狩日曾掩趙張名業
就難辭寵朝回更授兵曉川分牧馬夜雪覆連營長策

威殊俗嘉謀翊聖明
畫圖規陣勢夢筆紀山行
綬拂池中影珂搖竹外聲
賜歡徵妓樂陪醉問一作公卿却憶
經前事翻疑得此生
分深存沒感恩在子孫
榮覽鏡愁將老捫心喜復驚
豈言沈族重但覺殺身輕
有淚沾墳典無家集弟兄
東西遭世難流浪識交情
閱古宗文舉推才慕正平
應憐守貧賤又欲事躬耕

春日憶司空文明

桃李風多日欲陰
百勞飛處落花深
貧居靜久難逢信

知隔春山不可尋

卧病寓居龍興觀枉馮十七著作書知罷攝洛

陽赴維氏因題十四韻寄馮生并贈喬尊師

時子

罷推官

乞假依山宅蹉跎屬歲周
弱蔓輕採拾鈍質稱歸休
潘岳衰將至劉楨病未瘳
步遲垂羽客起晏滯書郵
幸以編方驗終貽骨肉憂
灼龜爐氣冷曝藥樹陰稠
語命心堪醉傷離夢亦愁
葦簾居已絕鸞鶴見無由
世累如塵

積年光劇水流躡雲知有路濟海豈無舟倚玉翻成難
投磚敢望訓卑棲君就祿羸憊我逢秋腐葉填荒轍陰
螢出古溝依然在遐想願子勵風猷

秋夜寄馮著作

河漢淨無雲鴻聲此夜聞素心難

一作雖

比石蒼鬚欲如

君露槿月中落風螢池上分何言千

一作十

載友同迹不

同羣

洛陽早春憶吉中孚校書司空曙主簿因寄清

江上人

值迴逢高駐馬頻雪晴閒看洛陽春鶯聲報遠同芳信
柳色邀歡似故人酒貌昔將花共豔鬢毛今與草爭新
年來百事皆無緒唯與湯師結淨因

偶逢姚校書憑附書達河南却推官因以戲贈

寄書常切到常遲今日憑君君莫辭若一作君問玉人殊

易識蓮花府裏最清羸

夜中得循州趙司馬侍郎書因寄回使

瘴海寄雙魚中宵達我居兩行燈下淚一紙嶺南書地
說炎蒸極人稱老病餘殷勤報一作祝賈傅莫共酒杯疎

晚次新豐北野老家書事呈贈韓質明府

機鳴春響日暎暎雞犬相和漢古村數派清泉黃菊盛
一林寒露紫梨繁哀翁正席矜新社稚子齊襟讀古論
共說年來但無事不知何者是君恩

書情上大尹十兄

紫陌絕纖埃油幢千騎來剖辭紛若雨犇吏殷成雷聖

澤初憂壅羣心本在台海鱗方渼刺雲翼暫徘徊芳室
芝蘭茂春蹊桃李開江湖餘派少鴻鴈遠聲哀命厭著
龜誘年驚弟姪催磨鉛慙砥礪揮策愧駑駘玉管能喧
谷金爐可變灰應憐費思者銜淚亦銜枚

春思貽李方陵

一本無
陵字

長安三月春難別復難親不識冶游伴多逢憔悴人漸
知懼澹薄轉覺老殷勤去矣盡如此此辭悲未陳

驛中望山戲贈渭南陸贄主簿

官微多懼事多同拙性偏無主驛功山在門前登不得
鬢毛衰盡路一作落塵中

太白西峯偶宿車祝二尊師石室晨登前嶽憑

眺書懷即事寄呈鳳翔齊員外張侍御一作郎

弱齡誠昧鄙遇勝惟求止如何羈滯中得步青冥裏青

冥有桂藂冰雪兩仙翁毛節未歸海丹梯閒倚空逍遙

擬上清洞府不知名醮罷雨雷至客辭山忽明山明鳥

聲樂日氣生

一作石

壑

一作石

樹脩脩白雲如水流

白雲消散盡隴塞儼然秋積阻關河固綿聯烽戍稠五
營承廟略四野失邊愁吁嗟繫塵役又負靈仙迹芝朮
自芳香泥沙幾沈溺書此欲沾衣平生事每違煙霄不
可仰鸞鶴自追隨

贈韓山人

見君何事不慙顏白髮生來未到山更嘆無家又無藥
往來唯在酒徒間

贈李果毅

向日磨金鏃當風著錦衣上城邀賊語走馬截鵬飛

春日書情贈別司空曙

壯志隨年盡謀身意

一作獨一作覺一作竟

未安風塵交契闊

一作

絕

老大別離難臘近晴多暖春遲夜却寒誰堪一作少

兄弟三十又

一作復

無官

一作五十未為官

冬曉呈鄰里

終夜寢衣冷開門思曙光空階一葉葉華室四鄰霜望

闕覺天迴憶山愁路荒途中

一作中途

一留滯雙鬢颯然蒼

首冬寄河東昭德里書事貽鄭損倉曹

清冬和暖天老鈍晝多眠日愛閒巷靜每聞官吏賢寒

蔬供家食腐葉

一作藥

宿厨煙且復執杯酒無煩輕議邊

渾贊善東齋戲贈陳歸

長裾珠履颯輕塵閒以琴書列上賓公子無讎可邀請

侯嬴此坐是何人

春日卧病示趙季黃

時陷在賊中

病中饒泪眼常昏聞說花開亦閉門語少漸知琴思苦

卧多唯覺鳥聲喧黃埃滿市圖書賤黑霧連山虎豹尊
今日支離顧形影向君凡在幾重恩

秋幕中夜

一作幕
中秋夜

獨坐遲明因陪陳翊郎中晨

謁上公因

一作
聊

書即事兼呈同院諸公

風淒露泣然明月在山顛獨倚古庭樹仰看深夜天葉
翻螢不定蟲思草無邊南舍機杼發東方雲景鮮簪裘
肅已整車騎儼將前百雉拱雙戟萬夫尊一賢琳瑯多
謀蘊律呂更相宣曉桂香浥露新鴻晴滿川熙熙造化

功

一作功化

穆穆唐堯年顧已草同賤誓心金匪堅寒辭慙

自寡渴病老難痊書此更何問邊韶唯晝眠

寄贈庫部王郎中

時充折
糴使

謬謬漢名臣從天令若春叙辭皆詔旨稱官

一作使

即星

辰草木承風偃雲雷施澤均威懲治粟尉恩洽讓田人

泉貨方將散京坻自此陳五營俱益竈千里不停輪未

遠金門籍旋清玉塞塵碩儒推慶重良友

一作史

頌公

一作作

功頻鶴髮逢新鏡龍門躍舊鱗荷君偏有問深感浩難

申

寄贈暢當山居

古村荒石路歲晏獨言歸
山雪厚三尺社榆麓十圍
虬龍寧守執鸞鶴豈矜飛
君子固安分毋聽勞者譏

偶宿山中憶暢當

深山夜雪晴坐憶曉山明
讀易罷三卷彈琴當五更
薜蘿枯有影品壑凍無聲
此夕一相望君應知我誠

秋中野望寄舍弟綬兼令呈上西川尚書舅

憂來思遠望高處殊非愜夜露濕蒼山秋陂滿黃葉人
隨鴈迢遞棧與雲重疊骨肉暫分離形神遂疲繭紅旌
渭陽騎幾日勞登涉蜀道藹松筠巴江盛舟楫小生意
何限簡誨偏盈篋舊恨尚填膺新悲復縈睫因求種瓜
利自喜歸耕捷井臼賴依鄰兒童亦勝汲一作塵容不
發
在照雪鬢那堪鑷唯有食霞心知夫一作未與天接

行藥前軒呈董山人

不覺老將至瘦來方自驚朝昏多病色起坐有勞聲腠

暖

一作體緩

苦肌一作睛

痒藏虛唯耳鳴桑公富靈術一為保

餘生

翫春因寄馮衛二補闕戲呈李益

時君與李新除侍御史

披垣春色自天來紅藥當階次第開
萱草薔薇爾何物等閒穿破綠莓苔

新移北廳因貽同院諸公兼呈暢博士

華軒迺台座顧影忝時倫
弱質偃彌曠清風來亦頻
恩輝坐凌邁景物恣芳新
終乃愧吾友無容私此身

與張擢對酌

張翁對盧叟一榼山村酒傾酒請予歌忽蒙張翁呵呵
予官非屈曲有怨詞多歌罷謝張翁所思殊不同予悲
方為老君責一何空曾看樂官錄向是悲翁曲張老聞
此詞汪汪泪盈目盧叟醉言麓一杯凡數呼迴頭顧張
老敢欲戲為儒

喜從弟激初至

儒服策羸車惠然過我廬叙年慙已長稱從意何疎作

吏清無比為文麗有餘應嗤受恩者頭白讀兵書

尋賈尊師

玉洞秦時客焚香映綠蘿新傳左慈訣曾與右軍鵞杓
白陰苔徧方書古字多成都今日雨應與酒相和

秋中過獨孤郊居

即公
主子

開一作闕園過水到郊居共引家童拾野蔬高樹夕陽連

古巷菊花梨葉滿荒渠秋山近處行過寺夜雨寒時起
讀書帝里諸親別來久豈知王粲愛樵漁

同耿拾遺春中題第四郎新修書院

一作同錢員外春中

題薛載少府新書院

得接西園會多因野性同引藤連樹影移石

一作柏

間花

叢學就晨昏外歡生禮樂中春游隨墨客夜宿伴潛公
散帙燈驚燕開簾月帶風朝朝在門下自與五侯通

春日題杜叟山下別業

白鳥羣飛山半晴渚田相接有泉聲園中曉露青藜合
橋上春風綠野明雲影斷來峰影出林花落盡草花生

今朝醉舞同君樂始信幽人不愛榮

過終南柳處士

五

一作野

老正相尋圍棋到煮金石摧丹井閉月過洞門

深猿鳥三時下藤蘿十里陰綠泉多草氣青壁少花林
自愧非仙侶何言見道心悠哉宿山口雷雨夜沈沈

宿澄上人院

竹窗聞遠水月出似溪中香覆經年火幡飄後夜風性
昏知道晚學淺喜言同一悟歸身處何山路不通

題李沆林園

古巷牛羊出重門
接柳陰閑看入竹路
自有向山心種藥
齊幽石耕田到遠林
願同詞賦客得興一作與謝家深

御定全唐詩卷二百七十八

欽定四庫全書

御定全唐詩卷二百七十九

盧綸

過司空曙村居

南北與山鄰蓬蒿庇一身繁霜疑有雪枯草似無人遂
性在一作有耕稼所交唯賤貧何言張掾傲每重德璋親

題念濟寺暈上人院

泉響竹瀟瀟潛公居處遙虛空聞偈夜清淨雨花朝放

鶴臨山閣降龍步石橋世塵徒委積劫火定焚燒苔壁
雲難聚風篁露易搖浮生亦無著况乃是芭蕉

題楊號縣竹亭

夜宿密公室話餘將畫興遶堦三迳雪當戶一池冰家
訓資風化心源隱政能明朝復何見葉一作草古溝塍

過樓觀李尊師

一作過李尊師院

城闕望煙霞常悲仙路賒寧知樵子徑得到葛洪家犬
吠松間月人行洞裏花留詩千歲一作鶴送客五雲車

訪一作傲世山空在觀棋日未斜不知塵俗士誰解種胡

麻

雪謗後逢李鼎度

相逢空握手往事不堪思見少情難盡愁深語自遲草
生分路處雨散出山時強得寬離恨唯當說後期

春日過李侍御

一作郎

高柳滿春城東園有鳥聲折花朝露滴漱石野泉清心
許陶家醉詩逢謝客呈應憐末行吏曾足曾諸生

出山逢耿漳

雲雪離披山

一作千

萬里別來曾住最高峰暫到人間歸

不得長安陌上又相逢

題金吾郭將軍石伏茅堂

一作常
袞詩

雲戟曙沈沈軒墀清且深家傳成棟義堯寵結茅心玉
佩多依石油幢亦在林爐香諸洞暖殿影衆山陰草奏
風生筆筵開雪滿琴客從龍闕至僧自虎溪尋蕭灑延
清賞風流會素襟終朝息塵步一醉間華簪

題賈山人園林

竹影朦朧松影長
素琴清簞好風涼
連春詩會煙花滿
半夜酒醒蘭蕙香
五字每將稱玉友
一尊曾不顧金囊
長沙流謫君非遠
莫遣英名負洛陽

秋夜同暢當宿藏公院

禮足一垂淚
賢王知病由
風螢方喜夜
露槿已傷秋
顧以兒童一作童子愛
每從仁者求
將祈一作來竟
何得滅跡在

緇流

重同暢當獎公院聞琴

悞以音聲祈遠公請將徽軫付秋風
漾漾硤流吹不盡月華如在白波中

同耿湊宿陸澧旅舍

當軒雲月開清夜故人枯擁褐覺霜下
抱琴聞雁來迎風君顧步臨路我遲迴
雙鬢共如此此懽非易陪

題苗員外竹間亭

高甍絕行塵開簾似有春風傾竹上
雪山對酒邊人步

暖先逢日書空遠見鄰還同內齋暇登賞及諸姻

奉陪侍中登白樓

一作奉陪渾侍中
五日登白鶴樓

高樓倚玉梯朱檻與雲齊顧盼親一作臨霄漢談諧息鼓

輦洪河斜

一作迴

更直野雨急仍低今日陪尊俎唯當作

還醉似泥應

九日奉陪侍郎

一作陪渾侍中

登白樓

碧霄孤鶴發清音上宰因添望闕心脾脫三層連步障
茱萸一朶映華簪紅霞似綺河如帶白露團珠菊散金

此日所從何所問儼然冠劍

一作蓋

擁成林

春日喜雨奉和馬侍中宴白樓

鸛鶴相呼綠野寬鼎臣閒倚玉欄干洪河擁沫流仍急

蒼嶺和雲色更寒豔豔風光呈瑞歲泠泠歌頌振瑤盤

今朝醉舞共

一作同

鄉老不覺傾

一作頻

歌

一作斜

獬豸冠

奉陪侍中游石笋溪十二韻

朝日照靈山山溪浩紛錯圖書無舊記絲禹應新鑿雙

壁瀉天河一峰吐蓮萼潭心亂雪卷品腹繁珠落彩蛤

攢錦囊芳蘿媚花索猿羣曝陽嶺龍穴腥陰壑靜得漁
者言閒聞洞仙博歌松倚朱幃廣石屯油幕國泰事留
侯山春縱康樂間闕殊狀鳥爛漫無名藥欲驗少君方
還吟大隱作旌幢不可駐古塞新沙漠

九日奉陪侍中宴白

一本有樓鶴字

露白菊氛氲西樓盛寵

一作寵盛

文玉筵秋令節金鉞漢元

勲說劍風生座抽琴鶴遶雲謏儒無以荅願得備前軍
九日奉陪侍中宴後亭

玉壺傾菊酒一顧得淹留
彩筆徵枚叟花筵舞莫愁
管弦能駐景松桂不停秋
為謝蓬蒿輩如何霜霰稠

九日奉陪令公登白樓同詠菊

瓊尊猶有

一作有僊

菊可以獻留侯願比三花秀非同百卉

秋金英分葉

一作葉

細玉露結房稠黃雀知恩在銜飛亦

上樓

奉陪渾侍中上巳日泛渭河

青

一作素

舸錦帆開浮天接上台晚鶯和玉笛春浪動金

疊舟楫方朝海鯨鯢自曝腮應憐似萍者空逐榜人回

奉陪侍中春日過武安君廟

長裾間貌虎遺廟盛攀登白羽三千騎紅林一萬層元
臣達幽契祝史告明徵撫坐悲今古瞻容感廢興迴風
卷藁栢驟雨濕諸陵倏忽煙花霽當營看月生

過王貞公主影殿

夕照臨

一作開

牕起暗塵青松繞

一作鎖

殿不知春君看白

髮誦經者半是宮中歌舞人

題嘉祥殿南溪印禪師壁畫影堂

雙屐

一作履

參差錫仗斜衲衣交膝對天花瞻容

一作空

悟

問脩持劫似指前溪無數沙

題伯夷廟

中條山下黃礪石壘作夷齊廟裏神落葉滿堦塵滿座

不知澆酒為

一作是

何人

早春游樊川野居却寄李端校書兼呈崔峒補

闕司空曙主簿耿湋拾遺

白水徧溝塋青山對杜陵
晴明人望鶴曠野鹿隨僧
古柳連巢折荒堤帶草崩
陰橋全覆雪瀑一作深溜半垂冰
鬬鼠搖松影游龜落石層
韶光偏不待衰敗巧相仍
桂樹曾爭折龍門幾共登
琴師阮校尉詩和柳吳興
舐筆求書扇張屏看畫蠅
卜鄰空遂約問卦獨無徵
投足經危路收才遇直繩
守農窮自固行樂病何能
掩帙蓬蒿晚臨川景氣澄
颯然成一叟誰更慕騫騰

同錢郎中晚春過慈恩寺

不見僧中舊仍逢雨後春惜花將愛寺俱是白頭人

曲江春望

菖蒲翻葉柳交枝暗上蓮舟鳥不知更到無花窠深處
玉樓金殿影參差

翠黛紅粧畫鷁中共驚雲色帶微風簫管曲長吹未盡
花南水北雨濛濛

泉聲遍野入芳洲擁沫吹花草上一作流落日一作行
上碧

人漸無路巢鳥一作蜂乳燕滿高樓

春日陪李庶子遵善寺東院曉望

映竹水田分當山起鴈羣陽峰高對寺陰井下通雲雪

畫一作盡

唯逢鶴花時此見君由來禪誦地多有謝公文

華清宮

漢家天子好經過白日青山宮殿多見說只今生草處

禁泉荒石已相和

水

一作天

氣朦朧滿

一作暖

畫梁一迴開殿滿山香宮娃幾

許經歌舞白首翻令憶建章

題興善寺後池

隔牕棲白鶴

一作鳥

似與鏡湖鄰
月照何年樹
花逢幾遍

一作世一作番一作度

人岸蒹葭有路苔

一作徑一作運石

綠無塵
水願容

依止僧

一作山

中老此身

陪中書李紓舍人夜泛東池

看月復聽琴
移舟出樹陰
夜村機杼急
秋水芰荷深
石

靜龜潛上萍開果

一作葉

暗沈何言奉杯酒

一作杯酒興

得見

五湖心

宴趙氏昆季書院因與會文并率爾投贈

詩禮挹餘波相懼在琢磨
琴尊方會集珠玉忽駢羅
謝族風流盛于門福慶多
花攢騏驎檻錦綯鳳凰巢
詠雪因饒妹書經為愛鵲
仍聞廣練被更有遠儒過

題天華觀

峰嶂徘徊霞景新一潭寒水絕纖鱗
朱字靈書千萬軸

一作卷蒼髯道士兩三人
芝童解說壺中事玉管能留天

上春眼見仙丹求不得
漢家簪紱一作綬在羸身

宿石竈寺

殿有寒燈草有螢千林萬壑寂無聲烟凝積水龍蛇蟄
露濕空山星漢明昏靄霧中悲世界曙霞光裏見王城
迴瞻相好因垂淚苦海波濤何日平

題悟真寺

萬峰交掩一峰開曉色常從天上来似到西方諸佛國

蓮花影裏數樓

一作臺層

題雲際寺上方

松高蘿蔓輕中有石牀平下界水長急上方燈自明空
門不易啓初地本無程迴步忽怱山盡萬緣從此生

九日同司直九棘崔侍御登寶雞南樓

把菊歎將老上樓悲未還短長新白髮重

一作稠

疊舊青

山霜氣清衿袖琴聲引醉顏竹林唯七友何幸亦登攀

同王員外雨後登開元寺南樓因寄西巖謔

一作

謔上人

過雨開樓看晚虹白雲相逐水相通寒蟬噪暮野無日

古樹傷秋天有風數穗遠煙凝壠上一枝繁果憶山中
何言暫別東林友惆悵人間事不同

同趙進馬元陽春日登長春宮古城望河中因

寄鄭損倉曹

損進馬之舅

城頭春靄曉濛濛指望關橋滿袖風雲騎閒嘶宮柳外
玉人愁立草花中鐘分寺路山光綠河繞軍州日氣紅
跡忝已成

一本此二字缺

方戀賞此時離恨與君同

同崔峒補闕慈恩寺避暑

寺涼高樹合卧石綠陰中伴鶴慙僂侶依僧學老翁魚
沈荷葉露鳥散竹林風始悟塵居者應將火宅同

春日登樓有懷

花正濃時人正愁逢花却欲替花羞年來笑伴皆歸去

今日清明

一作春風

獨上樓

長安春望

東風吹雨過青山却望千門草

一作柳

色間家在夢中何

日到春生

一作歸又作來

江上幾人還川原繚繞浮雲外宮闕

參差落照間誰念為儒逢世難

一作多失意

獨將衰鬢客秦

關

冬日登城樓有懷因贈程騰

生涯何事多羈束賴此登臨暢心目郭南郭北無數山

萬井逶迤流水間彈琴對酒不知暮岸幘題詩身自

一作

且閒風聲肅肅鴈飛絕雲色茫茫欲成雪遙思海客天

外歸坐想征人兩頭別世情多以

一作似

風塵隔泣盡無

因畫

一作對

籌策誰知白首牕下人不接朱門坐中客賤

亦不足歎貴亦不足陳長卿未遇楊朱泣蔡澤無媒原
憲貧如今萬乘方用武國命天威借貔虎窮達皆為身
外名公侯可廢刀頭取君不見漢家邊將邊庭白羽
三千出井陘當風看獵擁珠翠豈在終年窮一經

過仙游寺

上方下方雪中路白雲流水如閒步

一作閑
數步

數峰行盡

一作峰
到盡時

猶未歸寂寞經聲竹陰暮

同路郎中韓侍御春日題野寺

寺前山遠古陂寬寺裏人稀

一作移

春草寒何事最堪悲

色相折花將與老僧看

奉和李益游栖巖寺

一作登西巖寺
一作常袞詩

林香雨氣新山寺綠無塵遂結雲外賞

一作共游天上

春鷓鳴金闌

一作閨

麗僧語

一作話

竹房鄰待月水流急惜

花風起頻何方非壞境此地有歸人回首空門路

一作作

皓然一幻身

秋夜同暢當宿潭上西亭

圓月出山頭七賢林下游梢梢寒葉墜黯黯月波流鳬
鵠共思曉菰蒲相與秋明當此中別一為望汀洲

山中一絕

飢食松花渴飲泉偶從山後到山前陽坡軟草厚如織

因

一作
閑

與鹿麕相伴眠

與暢當夜泛秋潭

螢火颺蓮叢水涼多夜風離人將落葉俱在一船中

秋夜宴集陳翊

一作
雄

郎中圃亭美校書郎張正

元歸鄉

泉清蘭菊稠紅果落城溝保慶臺榭古感時琴瑟秋碩
儒歡頗至名士禮能周為謝邑中少無驚池上鷗

春游東潭

移舟試望家漾漾似天涯日暮滿潭雪白鷗和柳花

同薛存誠登栖巖寺

衰蹇步難前上山如上天塵泥來自晚猿鶴到何先萬
壑應孤磬百花通一泉蒼蒼此明月下界正沈眠

河中府崇福寺看花

聞道山花如火紅，平明登寺已經風。
老僧無見亦無說，應與看人心不同。

冬日宴郭監林亭

玉勒聚如雲，森森鸞鶴羣。
據梧花闕接，沃盥石泉分。
華味慙初識，新聲喜盡聞。
此山招老賤，敢不謝夫君。

奉和李舍人昆季詠玫瑰花寄贈徐侍郎

一作郎中

一作常袞詩

獨鶴寄煙霜雙鸞思晚芳舊陰依謝宅新豔出蕭

一作丘

墻蝶散

一作起

搖輕露鶯銜入夕陽雨朝勝濯錦風夜劇

焚香斷

一作麗

日

一作燒

千層

一作重

豔孤霞

一作萬

片光密

來驚葉少動處覺枝長布影期高賞留春為遠方
嘗聞贈瓊玖叨和愧升一作登堂

同耿湊司空曙二拾遺題韋員外東齋花樹

綠砌紅花樹狂風獨未吹光中疑有燄密處似無枝
鳥動香輕發人愁影屢移今朝數片落為報漢郎知

觀素修

一作修

侍郎

一作崔

漲新池

引水香

一作春

山近穿雲復遶林，纔聞籬外響，已覺石邊

深。滿處侵苔色，澄來見柳陰。微風月明夜，知有五湖心。

和徐法曹贈崔洛陽斑竹杖以詩見荅

玉幹一尋餘，苔花錦不如。勁堪和醉倚，輕好向空書。採
拂稽山曲，因依釋氏居。方辰將獨步，豈與此君疎。

早

一作仲

秋望華清宮中樹，因以成詠

一作常

可憐雲木蘖，滿禁碧濛濛。色潤靈

一作虛

泉近，陰清輦路

通玉壇標八桂金井識雙桐交映凝寒露相和起夜風
數枝盤石上幾葉落雲中燕拂宜秋霽蟬鳴覺書空翠
屏更隱見珠綴共玲瓏雷雨生成早樵蘇禁令雄野藤
高助綠仙果迴呈紅惆悵繚垣暮茲山聞暗蛩

小魚詠寄涇州楊侍郎

蓮花影裏暫相離纔出浮萍值罟師上得龍門還失浪
九江何處是歸期

賊中與嚴越卿曲江看花

紅枝欲折紫枝殷

一作繁

隔水連宮不用攀
會待長風吹

落盡始能開
眼向青山

同暢當詠蒲團

團團錦花結
乃是前溪蒲
擁坐稱儒褐
倚眠宜病夫
唯當學禪寂
終老與之俱

焦籬店醉題

時看弄邵翁伯

洛下渠頭百卉新
滿筵歌笑獨傷春
何須更弄邵

一作邵

翁伯即我此身如此人

陳翊中丞東齋賦白玉簪

美矣新成太華峰翠蓮枝折葉重重松陰滿澗閒飛鶴
潭影通雲暗上龍漠漠水香風頗馥涓涓乳溜味何濃
因聲遠報浮丘子不奏登封時不容

新茶詠寄上西川相公二十三舅大夫二十舅

三獻蓬萊始一嘗日調金鼎閱芳香貯之玉合才半餅

寄與阿連一作誰題數行

泊揚子江岸

山映

一作影

南徐暮千帆入古

一作吉

津魚驚出浦火月照

渡江人清鏡催雙鬢滄波寄一身空憐莎草色長接故

園春

晚次鄂州

至德中作

雲開遠見漢陽城猶是孤帆一日程估客晝眠知浪靜

舟人夜語覺潮生三湘衰

一作愁

鬢逢秋色萬里歸心對

月明舊業已隨征戰盡更堪江上鼓鼙聲

夜投

一本有終南二字

豐德寺謁海

一作液

上人

一作李端詩

半夜中峰有磬聲偶逢樵者問山名上方月曉聞僧語

一作話

下路

一作界

林疎見客行野鶴巢邊松竅老毒龍潛

處水偏清願得遠公知姓氏焚香洗鉢過浮生

江行次武昌縣

家寄五湖間扁舟往復還年年生白髮處處上青山去
國空知遠安身竟不閒更悲江畔柳長是北人攀

夜泊金陵

圓月出高城蒼蒼照水營江中正吹笛樓上又無更洛

下仍傳箭關西欲進兵誰知五湖外諸將但一作將吏更爭名

渡浙江

前船後船未相及五兩頭平北風急飛沙卷地日色昏

一半征帆浪花

一作濕潮浪

御定全唐詩卷二百七十九